



Broj: 07-04-14-27881-1/18
Sarajevo, 16.07.2018. godine

Na osnovu Zakona o poticaju razvoja male privrede ("Službene novine Kantona Sarajevo", broj: 29/15), Zaključka Vlade Kantona Sarajevo, broj: 02-05-26226-26/18 od 28.06.2018. godine, kojim je usvojen Godišnji plan provođenja Programa zapošljavanja mladih u Kantonu Sarajevo za 2018. godinu i Budžeta Kantona Sarajevo za 2018. godinu ("Službene novine Kantona Sarajevo", broj: 51/17), Ministarstvo privrede Kantona Sarajevo objavljuje

JAVNI POZIV

za prikupljanje zahtjeva obrtnika po osnovu Programa "Subvencija troškova za zapošljavanje mladih i razvoj vještina potrebnih za obrtnička-zanatska zanimanja"

Predmet javnog poziva

Predmet javnog poziva je subvencioniranje troškova zapošljavanja mladih putem Ministarstva privrede Kantona Sarajevo (u daljnjem tekstu: Ministarstvo), a po osnovu Programa: "Subvencija troškova za zapošljavanje mladih i razvoj vještina potrebnih za obrtnička-zanatska zanimanja".

Pravo učešća (Korisnici programa):

Prihvatljivi korisnici su obrtničke radnje koje podnesu aplikaciju, dostave svu traženu dokumentaciju i koje u roku od 6 mjeseci mogu omogućiti praktično iskustvo i vještine rada za novozaposlenog radnika, sa obavezom da novozaposlenog radnika o svom trošku zadrže u radnom odnosu još najmanje 6 mjeseci. **Prihvatljiva aktivnost je zaposlenje mladih osoba starosti od 18 do 30 godina i izvođenje praktičnog programa interne obuke i vježbi za obavljanje poslova u obrtničkoj radnji** u skladu sa registrovanom djelatnošću. Ukupno vrijeme trajanja obuke iznosi 6 (šest) mjeseci. Subvencioniranje cjelokupnih troškova vrši se nakon provedena najmanje 4 mjeseca interne obuke, a na osnovu dostavljene dokumentacije. Pravo učešća po ovom Javnom pozivu ne mogu ostvariti obrtnici koji obavljaju sljedeće djelatnosti: trgovačka, ugostiteljska, proizvodnja duhanskih proizvoda i alkoholnih pića, primarna poljoprivreda, otvaranje kasina i drugih igara na sreću.

Namjena i cilj poticajnih grant sredstava

Cilj ovog Programa je za ukupno 90 mladih osoba neposredno osigurati usvajanje ključnih vještina i kompetencija u obrtničkim zanimanjima, te osigurati kvalitetno obučene mlade osobe koje mogu potaknuti zapošljavanje i/ili samozapošljavanje u obrtništvu.

Ukupna raspoloživa sredstva za ovaj program iznose: 540.000,00 KM.

Način isplate poticaja:

Ministarstvo privrede će izvršiti subvencioniranje cjelokupnih troškova interne obuke nakon noozaposlena mlada osoba provede kod obrtnika najmanje 4 mjeseca interne obuke u ukupnom trajanju od 6 mjeseci, i uključuje sljedeće iznose:



web: <http://mp.ks.gov.ba>
e-mail: mp@mp.ks.gov.ba
Tel: + 387 (0) 33 562-121, + 387 (0) 33 562-122
Fax: + 387 (0) 33 562-226
Sarajevo, Reisa Džemaludina Čauševića 1



a) Iznos mjesečne subvencije po jednom zaposlenom je 800 KM.

Ovaj iznos obuhvata isplatu minimalne netto mjesečne plate u iznosu od 500 KM za polaznika obuke i dio troškova svih zakonom propisanih poreza i doprinosa na netto platu za novoupislenog radnika.

b) 200 KM za isplatu mjesečne bruto naknade mentoru po novozaposlenoj osobi.

Mentor je zaposlenik nadležan za prenošenje stručnih znanja i vještina i nadgledanje rada polaznika stručnog osposobljavanja ili osposobljavanja na radnom mjestu. Mentor treba imati odgovarajuće zanimanje, nivo obrazovanja ili radno iskustvo (najmanje tri godine radnog iskustva na poslovima za koje mentorira ukoliko ne ispunjava uvjet kvalifikacije i nivoa obrazovanja) na poslovima koje će obavljati polaznik stručnog osposobljavanja. Stručno osposobljavanje za rad Mentor može provoditi za maksimalno tri osobe.

Iznos poticaja na nivou 6 mjeseci za jednog uposlenog je 6.000,00 KM.

Najviši iznos poticaja na godišnjem nivou za jednog poslodavca je 18.000,00 KM za 3 (tri) novozaposlena radnika. Subvencioniranje troškova vrši se na osnovu dostavljenog izvještaja i dostavljene dokumentacije (ovjerena fotokopija ugovora zaključenog sa osobama koje su uključene u Program, ovjerena fotokopija specifikacije uz isplatu plaće kod porezne uprave za novozaposlene osobe, izvode sa računa kao dokaz o isplati plate polazniku obuke, te dokaz o isplati naknade mentoru).

Obaveze korisnika poticajnih sredstava

Odabrani Korisnik po ovom Javnom pozivu obavezan je da po dostavljenom obavještenju u roku od 10 dana izvrši odabir osobe, te sa Ministarstvom privrede zaključi ugovor kojim se obavezuje da novozaposlenog radnika nakon provedene obuke o svom trošku zadrži u radnom odnosu još najmanje 6 mjeseci. Korisnik poticajnih sredstava obavezan je da po zaključenju Ugovora odredi mentora i sa odabranom osobom zaključi ugovor o radu, te u roku od 5 dana o tome pismeno obavijesti Ministarstvo i u prilogu navedenog obavještenja dostavi ovjerenu kopiju ugovora, a u suprotnom će se smatrati da je odustao od Ugovora. U slučaju da Korisnik poticajnih sredstava iz bilo kog neopravdanog razloga tokom ili nakon provedene interne obuke raskine ugovor o radu sa novoupislenim radnikom obavezan je da izvrši povrat dodijeljenih sredstava, a što će se posebno regulisati ugovorom između Korisnika i Ministarstva. Obaveza Korisnika kojem su dodijeljena bespovratna sredstva po ovom Programu je da ista utroši u skladu sa utvrđenim namjenama, te da u roku od 30 dana po provedenoj internoj obuci u trajanju od 6 mjeseci Ministarstvu dostavi izvještaj s pripadajućim navedenim dokazima o namjenskom utrošku sredstava. Po isteku 12 mjeseci od dana zaposlenja polaznika interne obuke, Ministarstvu se dostavlja Izvještaj sa svim pripadajućim dokazima o namjenskom utrošku sredstava (fotokopije specifikacije uz isplatu plaće ovjerene kod porezne uprave za novozaposlene osobe, izvodi sa žiro računa kao dokaz o isplati plate polazniku obuke). Zahtjev Korisnika za produženje ugovorenog roka za dostavu dokaza o namjenskom utrošku dodijeljenih sredstava, Ministarstvu se može podnijeti najkasnije 30 dana prije isteka ugovorenog roka.

Kriteriji za izbor korisnika poticajnih grant sredstava

Izbor Korisnika poticajnih sredstava vrši se na osnovu sljedećih elemenata:

- a) Korisnici koji kao osnovnu djelatnost obavljaju stare i tradicionalne zanate – obrte,
 - u skladu sa uredbom Vlade Kantona Sarajevo ----- 30 bodova
("Službene novine Kantona Sarajevo", br. 15/10 i 29/11)
 - ostali stari i tradicionalni zanati – obrti u skladu sa Uredbom FBiH----- 20 bodova
("Službene novine Federacije BiH", br. 66/09, 38/10 i 16/12),



- b) Preferiranje proizvodne nad uslužnom djelatnošću
 - proizvodno-uslužna djelatnost ----- 30 bodova
 - uslužna djelatnost ----- 20 bodova
 - c) Mogućnost povećanja zaposlenosti i struktura novih zaposlenika-- ----- 5 bodova
 - d) Mogućnost pružanja obuke i mentorstva za strukovna zanimanja ----- 5 bodova
 - e) Čuvanje kulturne i istorijske baštine ----- 5 bodova
 - f) Tradicija u vođenju obrta
 - obrt u trajanju od 1 – 3 godine ----- 5 bodova
 - obrt u trajanju od 3 – 10 godina ----- 10 bodova
 - više od 10 godina ----- 15 bodova
 - g) Ostalo ----- 10 bodova
- (poticaj ravnomjernijeg zapošljavanja po općinama, nove tehnologije, itd.)

Prednost prilikom odabira Korisnika imaju podnosioci zahtjeva koji kao osnovnu djelatnost obavljaju stare i tradicionalne zanate – obrte, obuhvaćene popisom obrta- zanata koji su navedeni u članu 2. Uredbe o kriterijima i postupku za ostvarivanje prava na podsticajna sredstva za očuvanje i razvoj tradicionalnih i starih zanata – obrta ("Službene novine Kantona Sarajevo", br. 15/10 i 29/11). Po uredno prispjelim Zahtjevima, ocjenu i izbor korisnika finansijskih sredstava vršit će Komisija, u čijem sastavu je obavezan jedan član po prijedlogu Obrtničke Komore Kantona Sarajevo. Sa korisnicima sredstava, Ministarstvo zaključuje Ugovore o korištenju sredstava namijenjenih subvencioniranju troškova zapošljavanja, kojim se reguliraju međusobna prava i obaveze.

Opšta dokumentacija:

Uz obavezan pismeni zahtjev - prijavu na Javni poziv (obrazac zahtjeva – prijave se može preuzeti u Ministarstvu privrede ili na web stranici: <http://mp.ks.gov.ba/>) obavezno se prilaže sljedeća dokumentacija:

- a) Rješenje o registraciji obrta (izdato od nadležnog općinskog organa) iz koga se može pouzdano utvrditi da se navedena djelatnost obavlja kao osnovno zanimanje usklađeno sa klasifikacijom djelatnosti KD 2010;
- b) Uvjerjenje o poreznoj registraciji sa identifikacionim brojem;
- c) Obavještenje Službe za statistiku o razvrstavanju obrta prema KD 2010 djelatnosti
- d) Dokaz o stručnoj osposobljenosti vlasnika ili uposlenika za obavljanje obrta, ili da se iz priloženog rješenja o osnivanju obrta može pouzdano utvrditi da registrovanu djelatnost obavlja duže od pet godina;
- e) Uvjerjenje nadležnog općinskog organa da nije utvrđen trajni prestanak obavljanja registrirane obrtničke djelatnosti i da se obrt obavlja kao osnovno zanimanje.
- f) Potvrda izdata od strane Obrtničke Komore Kantona Sarajevo o članstvu u OKKS, vremenu trajanja obrta i uredno izmirenim obavezama po osnovu članarine u OKKS,
- g) Ugovor o zakupu ili dokument o vlasništvu poslovnog prostora. Zahtjevi koji u dostavljenim dokumentima sadrže Izjavu ili ugovor o ustupanju dijela privatne imovine bez naknade (kuće, stana, poslovnog prostora i sl.) za obavljanje obrtničke djelatnosti zbog neispunjavanja formalno-pravnih uslova se odbacuju, bez obaveze daljeg razmatranja;
- h) Uvjerjenje o izmirenim obavezama po osnovu poreza i doprinosa ne starije od 30 dana od dana objave javnog poziva sa dokazom o ukupnom broju zaposlenih (Potvrda nadležne Porezne uprave);
- i) Izjava aplikanta kojom potvrđuje ukupno vrijeme obavljanja obrta, mogućnost pružanja



- obuke i kojom se obavezuje da će za prenošenje stručnih znanja, vještina i nadgledanje rada polaznika stručnog osposobljavanja biti angažovan mentor;
- j) Ugovor o otvorenom računu kod banke (koji se vodi na radnju obrtnika); i
 - k) Svojeručno potpisana i od nadležnog organa ovjerena izjava da za ovu namjenu nisu odobrena poticajna grant sredstva iz Budžeta Kantona, JU SZZKS ili drugog izvora na nivou FBiH za 2017/2018. godinu.

Dokumentacija i izjave moraju biti original ili fotokopija ovjerena od nadležnog općinskog organa ne starija od mjesec dana od dana objavljivanja Obavještenja o javnom pozivu u dnevnim novinama i na službenoj web stranici Ministarstva. Zahtjevi uz koje ne bude priložena sva tražena dokumentacija ili fotokopije dokumenata ne budu ovjerene, neće se uzeti u razmatranje. Ministarstvo ne snosi odgovornost prema učesnicima Javnog poziva, u pogledu aktivnosti i troškova koje su imali u cilju apliciranja. Ukoliko obrtnik u skladu s Javnim pozivom ostvari pravo na temelju dostavljene neistinite dokumentacije dobijena sredstva uvećana za zakonsku zateznu kamatu dužan je vratiti.

Rok za podnošenje zahtjeva na javni poziv

Javni poziv se objavljuje na web stranici Ministarstva: <http://mp.ks.gov.ba/> i Obrtničke Komore Kantona Sarajevo okks.ba. Rok za podnošenje zahtjeva je 30 (trideset) dana, od dana objavljivanja Obavještenja o Javnom pozivu u dnevnom listu i navedenoj web stranici Ministarstva. Zahtjevi - prijave primljene nakon isteka ovog roka neće biti razmatrani.

Mjesto i način podnošenja zahtjeva

Prijave se podnose u zatvorenoj koverti direktno na protokol Kantona Sarajevo ili preporučeno putem pošte na adresu: Ministarstvo privrede Kantona Sarajevo, ulica Reisa Džemaludina Čauševića broj 1, sa naznakom "Ne otvarati - po Javnom pozivu za Program: Subvencija troškova zapošljavanja mladih za obrtnička-zanatska zanimanja. Na poledini koverta obavezno se navodi naziv podnosioca prijave, adresa i kontakt telefon, te se ovjerava pečatom.

Ugovor i Nadzor

Sa odabranim korisnicima Ministarstvo privrede zaključuje ugovor. Ukoliko se nakon zaključivanja ugovora utvrdi da je došlo do povrede Zakona, propisa donesenih za njegovo provođenje i ostalih odredbi Ugovora, Ministarstvo će postupiti u skladu sa čl. 17. i 18. navedenog Pravilnika. U postupku po Javnom pozivu Ministarstvo zadržava pravo da sve prijave aplikanta prihvati u cijelosti, djelomično, ili ih odbije, te da poništi Javni poziv, ili da odbaci dostavljenu prijavu u bilo koje vrijeme prije zaključenja ugovora. U svrhu provođenja kontrole namjenskog korištenja sredstava Ministarstvo i/ili OKKS su ovlašteni izvršiti provjeru korištenja odobrenih sredstava obilaskom Korisnika i njegovih poslovnih objekata.

Prispjela dokumentacija se ne vraća podnosiocu prijave. Sve dodatne informacije mogu se dobiti putem telefona: 033/ 562 119.

MINISTAR

Dr Muharem Šabić



web: <http://mp.ks.gov.ba>
e-mail: mp@mp.ks.gov.ba
Tel: + 387 (0) 33 562-121, + 387 (0) 33 562-122
Fax: + 387 (0) 33 562-226
Sarajevo, Reisa Džemaludina Čauševića 1

